



XALQ DEPUTATLARI NUROTA TUMAN KENGASHI

210700, Nurota t., Islom Karimov sh. k 48, tel: (79)523-12-00

2023 - yil 28 - fevral

VII-48-25-5-74-K/23

Nurota tumani hokimligi

O‘zbekiston Respublikasi Prezidenti Sh.M.Mirziyoyevning 2022-yil 25-noyabr kuni Navoiy viloyatiga tashrifi davomida bildirilgan tashabbuslar va belgilab berilgan vazifalarni Nurota tumanida 2022-2023-yillarda amalga oshirish yuzasidan “Yo‘l xaritasi”ning ijrosi to‘g‘risida

O‘zbekiston Respublikasi Prezidenti Sh.M.Mirziyoyevning 2022-yil 25-noyabr kuni Navoiy viloyatiga tashrifi davomida bildirilgan tashabbuslar va belgilab berilgan vazifalarni Nurota tumanida 2022-2023-yillarda amalga oshirish yuzasidan tuman “Yo‘l xaritasi”, shuningdek har bir sektor kesimida “Yo‘l xarita”lar ishlab chiqilgan va tasdiqlangan. Bunda 5 ta tashabbus asosida aniq chora-tadbirlar belgilab olingan.

1-tashabbus - Elektr energiyasini tejash:

Bugungi kunga qadar Nurota tumanida faoliyat olib borayotgan maktablar, davlat tashkilotlari va maktabgacha ta’lim tashkilotlarida quyosh agregatlari, quyosh panellari va ko‘cha yoritish chiroqlarini o‘rnatish keng joriy qilinmoqda.

Tasdiqlangan chora-tadbirlarga asosan tumandagi 24 ta tashkilot va korxonalarga umumiy quvvati 1155 kVt soatni tashkil etuvchi quyosh panellarini o‘rnatilishi ko‘zda tutilgan bo‘lib, loyiha qiymati 12 705,0 million so‘mni tashkil etadi. Hozirgi kunda tuman hududida 336 kVt soat quvvatdagi quyosh panellari o‘rnatildi.

Bundan tashqari, tuman hokimligi binosiga 30 kVt/soat quvvatdagi quyosh panellari o‘rnatish bo‘yicha “SUN-HIGHTECH” MCHJ bilan umumiy qiymati 330 million so‘mlik shartnoma imzolanib, quyosh panellari o‘rnatildi.

2-tashabbus - “Yashil makon” dasturining Navoiy viloyati tajribasini yaratish va amalga oshirish:

O‘tgan 2022-yilning bahor mavsumida tuman hududida 517 mingta mevali, manzarali daraxt ko‘chatlari va qalamchalar, xususan 213,5 mingta ko‘chatlar tuman obodonlashtirish boshqarmasiga qarashli ziyoratgoh va qabristonlar hamda tumandagi korxona tashkilot va muassasalar hududiga 187,5 mingtasi mahalla fuqarolar yig‘inlarida 22,1 mingtasi ijtimoiy soha (maktab, kasalxona, o‘quv yurtlari) obyektlari va tashkilotlar hududlarida hamda 93,8 mingta ko‘chatlar fermer xo‘jaliklari va tadbirkorlik subyektlarining yer maydonlarida ekilishi belgilab olingan edi.

“Nurota Agropilla” MCHJ bilan tut ko‘chatlari yetkazish bo‘yicha shartnomalar rasmiylashtirilgan bo‘lib, bugungi kunda Toshpo‘lot Ibroxim oilaviy korxonasiga 4 ming dona va Hamkor Nur Yangihayot xususiy korxonasiga 1 ming dona tut ko‘chatlari yetkazilib, yer tayyorlash ishlari boshlangan.

3-tashabbus - Yaylovlarda echkichilik va qo‘ychilikni keskin rivojlantirish:

Tumandagi 6 ta loyiha tashabbuskorlari tomonidan jami 22,8 mlrd.so‘m, shundan 17.8 mlrd.so‘m o‘z mablag‘lari va 5 mlrd bank krediti hisobiga 10,7 ming bosh naslli qo‘y va echkilarni keltirish bo‘yicha manzilli ro‘yxat shakllantirilgan.

Bundan tashqari tumanda qo'ychilikni rivojlantirish bo'yicha bugungi kunga qadar 2 ta loyiha tarmoq jadvali tasdiqlangan. Qo'ychilik yo'nalishida 2 ta loyihalar jami 2 mlrd so'm shundan, 1,5 mlrd bank krediti mablag'lari va 500 mln so'm o'z mablag'i hisobidan mablag' yo'naltirilib, jami 500 bosh mayda shoxli mollar sotib olinishi hamda 6 ta yangi ish o'rinlari yaratilishi rejalashtirilgan.

4-tashabbus - Infratuzilma obyektlari qurilishida resurslarni 30 foizgacha tejash:

Tuman prokuraturasi tomonidan tumandagi qurilish sohasidagi korrupsiyani oldini olish maqsadida boshqa huquqni muhofaza qiluvchi organlar bilan birgalikda korrupsiya va manfaatlar to'qnashuvini keltirib chiqaruvchi sabab va shart-sharoitlarni aniklash, har bir loyihalar bo'yicha davlat xaridlari "Shaffof kurilish" MAT ning elektron tender platformasida o'tkazilishini ta'minlash, korrupsiya va manfaatlar to'qnashuvini oldini olish borasida ishlar olib borilmoqda.

5-tashabbus - Yoshlar muammolari bilan ishlash va ularning tashabbuslarini qo'llab-quvvatlash:

Yoshlar muammolari bilan ishlash bo'yicha tuman hokimi rahbarligida sektor rahbarlari, davlat xavfsizlik xizmati tuman bo'limi boshlig'i, tuman hokimining yoshlar masalalari bo'yicha o'rinbosari, tuman yoshlar ishlari agentligi hamda tuman tashkilot rahbarlaridan iborat tuman komissiyasi tashkil etildi.

Tuman hokimligi huzurida 4 ta sektor rahbari, tuman DXX boshlig'i, tuman hokimining yoshlar masalalari bo'yicha o'rinbosari, tuman yoshlar ishlari agentligi va tuman korxona va tashkilotlaridan iborat tarkibda yoshlarning ijtimoiy-iqtisodiy masalalari bo'yicha yoshlar shtabi tashkil etilgan.

Shtab tomonidan hozirgi kunda xatlov jarayonlari yakunlangan.

Xatlov natijasida ishchi guruhlar tomonidan tuman hududida jami 21 714 nafar yoshlarga anketa so'rovnomalari to'ldirilib, shundan turli muammolari bo'yicha 261 nafar yoshlar "Yoshlar daftari"ga tavsiya etildi.

Yuqoridagilarni inobatga olib, "Mahalliy davlat hokimiyati to'g'risida"gi O'zbekiston Respublikasi Qonunining 6, 24, 27-moddalariga asosan, xalq deputatlari tuman Kengashi

QAROR QILADI:

1. O'zbekiston Respublikasi Prezidenti Sh.M.Mirziyoyevning 2022-yil 25-noyabr kuni Navoiy viloyatiga tashrifi davomida bildirilgan tashabbuslar va belgilab berilgan vazifalarni Nurota tumanida 2022-2023-yillarda amalga oshirish yuzasidan "Yo'l xaritasi"ning ijrosi to'g'risida tuman hokimi A.Fayziyevning axboroti ma'lumot va ijro uchun qabul qilinsin.

2. Tuman hokimi A.Fayziyev hamda tuman sektor rahbarlari (F.Norov, U.Abdurahmonov, O.Jo'raqulov)ga:

O'zbekiston Respublikasi Prezidenti Sh.M.Mirziyoyevning 2022-yil 25-noyabr kuni Navoiy viloyatiga tashrifi davomida bildirilgan tashabbuslar va belgilab berilgan vazifalarni Nurota tumanida 2022-2023-yillarda amalga oshirish yuzasidan "Yo'l xaritasi"da belgilab olingan chora-tadbirlar ijrosini o'z vaqtida va sifatli ta'minlash;

5 ta tashabbus bo'yicha belgilab berilgan topshiriqlarni bajarish vazifasi topshirilsin.

3. Xalq deputatlari tuman Kengashi deputatlari O'zbekiston Respublikasi Prezidenti Sh.M.Mirziyoyevning 2022-yil 25-noyabr kuni Navoiy viloyatiga tashrifi davomida bildirilgan tashabbuslar va belgilab berilgan vazifalarni Nurota tumanida 2022-2023-yillarda amalga oshirish yuzasidan "Yo'l xaritasi"da belgilab olingan chora-tadbirlar ijrosini o'z vaqtida va sifatli ta'minlanishini hamda 5 ta tashabbus bo'yicha belgilab berilgan topshiriqlarning bajarilishi yuzasidan nazorat o'rnatish.

4. Tuman hokimligi matbuot xizmati (L.Mansurov) hamda "Nurnoma" gazetasi tahririyati

(L.Bozorov)ga “Yo‘l xarita” hamda 5 ta tashabbus bo‘yicha amalga oshirilayotgan ishlarni ommaviy axborot vositalari hamda ijtimoiy tarmoqlar orqali keng yoritib borish tavsiya etilsin.

5. Mazkur qaror ijrosini nazorat qilish xalq deputatlari tuman Kengashining doimiy komissiyalari zimmasiga yuklatilsin.

Kengash raisi



A.Fayziyev